

مجموعه سنون

از

جمعیت علمیه عثمانیه

برنجی پنه

ماه رمضان

نومرو ۱

استانبول

یکی جامع جوارهند واقع چیچک بازارنده جمعیت علمیه عثمانیه
مطبعه سنده طبع اولمشدر

۱۲۷۹

(امید بروننده بولنان اهل اسلام)

افریقاده واقع انکلتزه ممالکندن امید برونی اهالیء مسلمه سی
 بیننده بعض مسائل دینه دن طولایی بر مدتد نبروتکون ایدن
 اختلاف و فساد کتد بجه کسب اشتداد ایمکله اهالیء مذکوره
 شو مسئله نک حلّی ضمننده مسندارای خلافت کبری اولان
 ذات مقدس صفات حضرت پادشاهی یه مراجعته قرار ویره رک
 لوندره سفارت سیده سی واسطه سیله کیفیتی طرف دولت علیه یه
 عرض واعلام ومباینت مذکوره نک استحصال اسباب
 اندفاعنه همت یورلمسنی استرحام المیش واشبو اختلافک منتج
 اولدیغی منازعات بالطبع حکومت محلیه جه دخی موجب صداع
 اوله رق بر آن اقدم بونک صورت مصلحانه ده حسم وفصلی ارزو
 اولندیغی جهته التماس مذکور انکلتزه دولتی طرفندن دخی
 ترویج قلمش اولغله اعتقادات صحیحه اسلامیه نک اولخوالیده
 نشر وتلقینیه تفرقه واقعه نک رفع وازالده سنه سعی واهتمام
 ایلمک اوزره علمادن ابوبکر افندی طرف سلطنت سینه دن
 انتخاب ومعینه مقدار کلی کتب دینییه اعطا اولندرق
 بوندن بش الی ماه مقدم انکلتزه طریقیه امید بروننده اعزام
 قلمشیدی .

کچن شعبان شریفک بشی تاریخیه مؤرخا بو دفعه افندیء
 مومی الیه طرفندن صوب عاجزی یه ورود ایدن بر قطعه مکتوب
 ماله نظراً مومی الیه حسب المصلحه براز وقت لوندره ده

قالقد نصرکه بحر محیط غربی طریقہ صوب مقصودینہ
 عزیمت ایدرک رجبک یکر می الیسنده اورایہ مواصلت الیمنشدر .
 مکتوب مذکور امید برونده بولسان اهل اسلامک احوال
 وکیفیاتہ وخصوصات سائرہیہ دائر بعض معلومات نافعہی
 شامل اولغلہ خلاصہ سنک زیدہ درج وتحریرینہ
 ابتدار قلندی .

”چادی الاخرک اوز برنجی کونی انکلترہ سواحلندن برواپور
 سفینہ سنہ راکباً امید برونده عزیمت وانشای راہدہ مساعد
 ہواڑہ تصادفی اولنہرق متعدد بلکن دخی اچلمش اولغلہ
 رجب شریفک یکر می الیسنده یعنی قرق درت کون ظرفندہ منزل
 مقصودہ مواصلت قلنمشدر . اوروپا ایلہ محل مذکور
 بینندہ آمدشد ایدن واپور سفایینی انشای راہدہ
 کور الہ جفی محبارک ندرتندن ناشی حامل اولد قلمری کمورک
 احراقندہ زیادہ سیلہ تصرفہ رعایت ایدوب مساعد ہوالردن
 ممکن مرتبہ استفادہ ایلمکہ سعی ایتدکلرندن مسافہ مذکورہی
 اکثراً اوچ درت ماہ ظرفندہ قطع ایدہ بیلدکلری استخبار
 اولنمشدر .

دونکی کون والی ایلہ ملاقات ایدرک لوندرہ سفارت سنہ سی
 واسطہ سیلہ انکلترہ امور خارجیہ وکالتندن اخذ ایتمش
 اولدیغم توصیہ نامہ یی تسلیم ایلدم . مشارالہ داعیلرینی حسن
 صورتلہ قبول ووقوع مأموریتندن طولانی اظہار کمال
 محظوظیت ایلدی . ومدت مدیدہ دنبرواهل اسلام
 بینندہ ظہور ایدن مہایت دیدہ منازعات ومخاصمت

متوالیه یی مؤدی اولوب بونک حکومتجه دخی سوئائیراتی
 حصوله کلدیکندن بحثله مأموریت عاجزانم ثمره سیله
 شومشکلاتک استحصال اسباب اندفاعی میسر اوله جغی مأمول
 قویسنده بولندیغنی بیان و بوحوالیده حاکم بولنان موسیو
 روبکس نام بر ذاتی واقع اوله جق امور و خصوصاتی تسویه
 و تسهیل ایتمک اوزره رفاقت عاجزانه مه مأمور و تعیین ایلدی .
 مرکز حکومت اولان امید برونی شهرنده سکر باب جامع
 شریف و طقوز مسجد موجود اولوب قصبات و قراسنده دخی
 خیلی جوامع و مساجد بولندیغنی و بونلرک جملہ سنده قرائت
 خطبه و ادای صلوٰه و سایر مراسم دینه نک ایفا قلمقده اولدیغی
 مشهود و مسموعم اولمشد .

تحقیقات واقعه مه کوره اهالی مذکوره بیننده ظهور ایدن
 مبینتک منشأ و سببی شو وجهله درکه مطلع افتاب جهان تاب
 محمدی اولان ممالک اسلامیه کمال بعدیتی و وسائط اختلاط
 و مخابره نک همان بالکلیه فقدانیجی جهتیله بوحوالی اهل
 اسلامی خلاف شرع مصطفوی بعض اعتقادات باطله یه ذاهب
 اولوب بووجهله جملہ سی یکمذهب اولدقلری حالده
 تقریباً بوندن الی سنده مقدم اهالیدن بعض کسان ادای
 فریضه حج نیئیه جانب حجازه عزیمت و حرمین محترمینه
 بعض امور دینه نک برطرز اخر اوزره ایفا اولندیغنی مشاهده
 و رؤیت ایتملریله عودت لرنده کیفیتی اهالی یه بیان و اعلان
 و مجلوبلری اولان طرف ایله بالاتحاد ائمه و خطبایی اصول
 قدیمه لرینی ترک ایله صحت اوزره ایفای خدمات دینه یه اجبار

والاعزل اوله رقی بر لرینه بشقه لرینی نصب ایملک داعیه سته
 قیام ایتمش و حال بوکه ذکر اولسان ائمه و خطا اشبو و طائفه
 من القدیم وراثت طریقیله متصرف اولدقلری جهته اشبو
 تکلیف آبا واجداد لرندن کورمش اولدقلری اصول باطله یه
 منافی اولدیغی مثل او منافع ذاتیه لرینک دخی خلا فنده برشی
 اولدیغندن قطعاً موافقت کورستر میوب بو وجهله طرفین بیننده
 مباینت و خصوصت شدیدیه تگون ایتمش و حکومت محلیه
 هر نقدر تألیف طرفینه سعی و اهتمام ایملش ایسه ده بر فائده یی
 منتج اوله ما مشدر .

اعتقادات صحیحّه اسلامیه نک تعلیم و تلقینیه اصلاح ذات البینه
 شمیدن مبادرت ایملککم حقننده بعض طرفدن تعجیل اولنش
 ایسه ده ماده فساد زیاده کسب جسامت ایتمش اولدیغندن کمال
 تأنی و ملایمتله حرکت اولمنسی مناسب حال و مصلحتدر
 ظن ایدرم . اهالی مزبوره کافه اهل سنت اولدیغندن
 و اختلافلری دخی پک اساسلی شیلر اولمیوب مجرد حب ریاست
 روحانیه و غیرت جاهلیه دن ناشی بولندیغندن یاوری، توفیق الهی
 ایله عهد قریبه شو نزاع و شقاقک مبدل حسن وفاق اولسی
 مأمول و احوالده یالکز ملت اسلامیه دکل بلکه انسانیتیه
 بر خدمت ایتمش اوله جعمدن هر حالده حسن موفقیتم الطاف
 الهی بدن مسئولدر . داعی لرینک کیم اولدیغم و زده دن و نه مقصدله
 کلدیکم غزته لر واسطه سیله جمله یه اعلان اولنش ایسه ده
 شمیدیکم اعتماد اولمیه رقی بعضیسی پاشادر و بعضیسی مکه شیر فیدر
 و یا خود بونلره قریب برشیدر دیو در لو افکاره ذاهب اولمشلردر .

داعیلرینی **کورمک** ایچون کیجه کوندز کذ رکاهی بکلیانلرک کمال
 تراچندن ناشی صوقاقلردن بکلمک متعسر اولدیغندن اکثریا
 طبشارویه چیقه میوب بولندیغم محلهده محبوس کبی اوتور مقده یم .
 رفاقمه تعین اولان مومی الیه موسیوروبکس خصوصات
 عاجزانه مک ترویجینه زیاده سیله سعی واقدام ایدوب ذاتاً دخی
 الوف و بشوش برادم اولدیغندن کند و سندن غایتله خشنودم .
 بو طرفلرک هواسی غایت سحاق اولوب الیوم کانون ثانیک اون اوچی
 اولدیغی حالده حرارت هوا عادتاً استانبولک تموزی درجه سنده در
 وهر درلومیه وقتیدر . شهر ساحل دریاده واقع و ابذیه سی
 کار کبروغایت متین اولوب صوقاقلری واسع و غازیله مزوردر . شهرده
 بولان اهلای مسلحه نک اکثریسی عربیه جی و بالقجی ورنجبر
 اولوب ایچلرنده زنکین و معتبر ادم پک اذدر . قراوقصبه لنده بولانلر
 دخی بولره مقبدر . واهالینک لونلری بیاضه میال اسمردر .
 حیوانات اهلیدن ات و صغرو وحشیه دن فیل وزرافه و سائر
 موجود اولوب شهرک اطرافنده دخی پک چوق باغ و باغچه واورمان
 واردر .

معلوم اولدیغی اوزره مذکور امید برونی افریقا قطعده سنک
 نهایتنده اوتوزدرت عرض جنوبیسنده واقع اولوب اولخوالیده
 بولان انکله ممالکنک مرکزیدر . پورنکیرل هندستانه
 بحرا بریول بولمق نیئله افریقانک سواحل غریبه سی بوشه
 کیدرک ۱۴۸۶ سنه میلادیه سنده محل مذکور کشف
 ایلرلردر . بوخصوصه مأمور سفائنک باش قودانی بولان
 (بارته لمی دیاز) اورالده تصادف ایتدکلری بعض شداثد بحریه

مناسبیله محل مذکورى اول امرده فورطنه برونى تسميه
ايتلش ايسدهده پورتکيز قرالى بولنان ايکنجى يوان اورادن هندستانه
کيديله ييله جکنى جزم ايدرك بوجتهله محل مذکوره اميد برونى
اسمى ورمش و ۱۴۹۷ ده (واسقودوغاما) نام قيودان مذکور
بروندن کزار ايدرك برنجى دفعه اولق اوزره اوروپا سفائى
هند دکرلرينه واصل وبوجتهله قرال مشاراليهک اشبو
اميدى حاصل اولمشدر .

پورتکيز لر اول حوالیده بولنان محللرى ضبط ايتملشرايسدهده
اهاليسيله امتراج ایده مدکلرى جهتهله برونده يرلشده ميوب محل
مذکور انجق هندستانه امد شد ایدن سفائنه کذرگاه
اولمشدى ۱۶۰۰ سنه سنده هولانده لور بعض ذخائر تدارکچون
اميد برونده چيقمغه باشلوب فقط اهاليسنک سو قصدندن احترازاً
ساحلده برقله بنا ايدرك اوراده بولندقلرى مدتيجه دروننده
اقامت وحين عزيمتلرنده تخليه و ترک ايدرلرايدى .

۱۶۴۶ سنه سنده برکى جراحي بولنان (ژان وان ريبک) نام
برذات موقع مذکورک لزوم واهميتنى فهم ايدرك کيفيتى تحريرا
هولانده لوره متعلق هند قومپاينه سنه عرض و بيان ايلدى
واشبو تصوراتى مذکور قومپاينه نژدنده قبول واستحسان
واجراسنه کندوسى مأمور قلنمغله ۱۶۵۲ سنه سنده اوراده
کليتلو اوروپا مهاجرينى اسکان ايلدى . انگليز خلى مدت
بونک ارقه سنده اوله رق نهايت ۱۷۹۵ سنه سنده قبضه تصرفه
الديلرو ۱۸۰۲ سنه سى امين مصالحه سى اوزرينه ينه هولانده لويه
ترک ايتملشرايسه کندولرنجه درکار اولان کمال اهميته مبنى ۱۸۰۶

سنه سنه تکرار ضبط ایلدیلر و ۱۸۱۴ سنه سی هولانده قرالیه
عقد ایلدکلری مصالحه موقع مذکورک انکلیتره انتقالتی
تأمین ایلدی .

(منیف)

(ظهور مرآت)

کچن دفعه (مجموعه عبرتنامه) اسمنده بر فنون غزته سی تحدث
ایلدیکنی یازمشیدق . بو دفعه دخی مرآت اسمنده اوله رق
بر دیگرینک ظهورینی اعلان و بو وجهله انتشار معارف
وسائطنک تکرری بالطبع موجب ممنونیتز اوله جفتدن بونک اجداتنه
همت ایدن هوسکاران علم و معرفتک مساعیلرینی تقدیر ایله
حسن موفقیتلرینی ارزوایدرز .

چوقدنبرو بو مقوله مطبوعات علمیه نک لزوم وفائده سی حس
اولندیغی حالده شو امر خیره بر طرفدن تشبث اولنموب مجموعه
عاجزانه مزک ظهوریدن بر قاج ماه کچر کچمز بو وادیده ایکی غزته نک
دخی تحدث ایلمسی فی الحقیقه شایان دقت و بلکه جای عبرتدر .
اشته دنیا ده هر شی بویله اولوب بر طرفدن بر مسلاک صواب انما
کشاد اولندقدده او اثره اقتفا ایدنلر ظهور ایده جکندن شو کیفیتک
مملکت حقنده خیرلو هر درلو اثار احداث ایللریچون ارباب
اهلیت و فتوه بادی جسارت اوله جغنی درکاردر .

(منیف)